



Ўзбекистон Республикаси номидан  
ҲАЛҚАШУВ ҚАРОРИ

2022 йил 06 май

Қўшраб тумани

4-1403-2201/142-сонли иш

Иштихон туманлараро иқтисодий суди судьяси Н.М.Умаровнинг раислигида, судья ёрдамчиси Ў.Ҳайитованинг суд мажлиси котиблигида, аризачи ДДДДДДнинг, жавобгар «ББББББББ» фермер хўжалигининг банклардаги ҳисобварақлари бўйича операцияларни тўхтатиб туриш тўғрисида киритилган аризаси бўйича қўзғатилган иқтисодий ишни, Қўшраб туман ДСИ биносида очик сайёр суд мажлиси муҳокамасида, ДДДДДД вакили [REDACTED] (2022 йил 06 май кунги 23-01664-сонли ишончнома асосида) иштирокида кўриб чиқиб, қуйидагиларни,-

**АНИҚЛАДИ:**

Аризачи ДДДДДД Иштихон туманлараро иқтисодий судига мурожаат қилиб, жавобгар «ББББББББ» фермер хўжалигининг банклардаги ҳисобварақлари бўйича операцияларни тўхтатиб туришни сўраган.

Аризада баён қилинишича, жавобгар томонидан 2021 йил 4-чорак учун айланмадан олинган солиқ бўйича солиқ ҳисоботи жорий йилнинг 28 март кунига қадар солиқ органига тақдим этилмаган. Мазкур ҳолат юзасидан белгиланган муддатларда солиқ ҳисоботини тақдим этиши ҳамда банкдаги ҳисобварақлари бўйича операцияларни тўхтатиб турилиши тўғрисида жавобгарнинг электрон шахсий кабинетига электрон шаклда сабаблари кўрсатилган ҳолда 2022 йил 09 март куни хабарнома юборилсада, аммо жавобгар томонидан солиқ ҳисоботи тақдим этилмаганлиги маълум қилинган.

Суд мажлисида иштирок этган даъвогар вакили судга тушунтириш бериб, «ББББББББ» фермер хўжалиги томонидан 2021 йил 4-чорак учун айланмадан олинган солиқ ҳисоботи жорий йилнинг бугунги кунига келиб кечиктириб топширганлигини билдириб, буни тасдиқловчи маълумотномани судга тақдим этди.

Белгиланган тартибда суд иш муҳокамаси кундан хабардор қилинган жавобгар суд мажлисига келмади ва ўз ишончли вакили иштирокини ҳам таъминламади.

Ўзбекистон Республикаси Иқтисодий процессуал кодексининг 128-моддасига биноан, агар суд иқтисодий суд ишларини юритиш иштирокчиси ўзига юборилган ажримнинг кўчирма нусхасини олганлиги ёки ушбу Кодексда назарда тутилган бошқа усулда хабардор қилинганлиги тўғрисида суд мажлиси бошлангунига қадар маълумотларга эга бўлса, ушбу иштирокчи тегишли тарзда хабардор қилинган деб ҳисобланади.

Иқтисодий суд ишларини юритиш иштирокчиси қуйидаги ҳолларда ҳам суд томонидан тегишли тарзда хабардор қилинган деб ҳисобланади, агар:

ажрим йўлланган шахс ажримнинг кўчирма нусхасини олишни рад этган ва ушбу рад этиш қайд этилган бўлса;

суд томонидан юридик шахснинг судга маълум бўлган охири жойлашган ери (почта манзили), фуқаронинг яшаш жойи бўйича юборилган ажримнинг кўчирма нусхаси олувчи кўрсатилган манзилда йўқлиги сабабли топширилмаган ва бу ҳақда алоқа муассасаси судни хабардор қилган бўлса;

ажримнинг кўчирма нусхаси суд томонидан электрон почта орқали ёки хабардор қилинганлик фактини тасдиқловчи бошқа алоқа воситаларидан фойдаланган ҳолда юборилган кундан бошланган ҳисобдан боран уч кун ўтган бўлса.

Мазкур Кодекснинг 170-моддасига кўра, ишда иштирок этувчи шахсларга суд даъво аризаси юзасидан тақдим этишни таклиф қилган ёзма фикр ёки қўшимча далиллар тақдим этилмаганлиги ишни мавжуд материаллар бўйича кўришга тўсқинлик қилмайди.

Иш муҳокамасининг вақти ва жойи тўғрисида тегишли тарзда хабардор қилинган даъвогар суд мажлисига келмаса, даъвогарнинг ишни унинг йўқлигида кўриш тўғрисидаги аризаси бўлган тақдирда, низо унинг йўқлигида ҳал қилиниши мумкин.

Иш муҳокамасининг вақти ва жойи тўғрисида тегишли тарзда хабардор қилинган жавобгар, учинчи шахслар суд мажлисига келмаса, низо уларнинг йўқлигида ҳал қилиниши мумкин.

Мазкур ҳолатда суд, иш муҳокамасини жавобгар иштирокисиз кўриб чиқишни лозим топди.

Ишдаги ҳужжатлардан ва суд жараёнида аниқланган ҳолатлардан маълум бўлишича, ҳақиқатдан ҳам жавобгар «ББББББББ» фермер хўжалиги томонидан 2021 йил 4-чорак учун айланмадан олинадиган солиқ бўйича солиқ ҳисоботи жорий йилнинг 28 март кунига қадар солиқ органига тақдим этилмаганлиги, мазкур ҳолат юзасидан белгиланган муддатларда солиқ ҳисоботини тақдим этиши ҳамда банкдаги ҳисобварақлари бўйича операцияларни тўхтатиб турилиши тўғрисида жавобгарнинг электрон шахсий кабинетига электрон шаклда сабаблари кўрсатган ҳолда 2022 йил 09 март куни хабарнома юборилганлиги, аммо жавобгар томонидан солиқ ҳисоботи тақдим этилмагани маълум бўлди.

Ўзбекистон Республикаси Солиқ кодексининг 111-моддасига кўра, Солиқ тўловчининг (солиқ агентининг) банкдаги ҳисобварақлари бўйича операцияларни тўхтатиб туриш тўғрисидаги қарор солиқ органининг раҳбари (раҳбар ўринбосари) томонидан ўн кундан кўп бўлмаган муддатга қабул қилиниши мумкин. Солиқ тўловчининг (солиқ агентининг) банкдаги ҳисобварақлари бўйича операцияларни ўн кундан кўп муддатга тўхтатиб туриш тўғрисидаги қарор солиқ органининг илтимосномасига асосан суд томонидан қабул қилиниши мумкин. Бунда солиқ тўловчининг (солиқ агентининг) банк ҳисобварақлари бўйича операциялари суд томонидан қарор қабул қилингунга қадар тўхтатиб турилади.

Солиқ тўловчининг (солиқ агентининг) банкдаги ҳисобварақлари бўйича операцияларни тўхтатиб туриш тўғрисида қарор электрон шаклда солиқ органи томонидан банкка юборилади. Бир вақтнинг ўзида солиқ органи томонидан солиқ тўловчининг шахсий кабинетига унинг банкдаги

ҳисобварақлари бўйича операциялар тўхтатиб турилиши тўғрисида хабарнома бунинг сабабларини кўрсатган ҳолда юборилади.

Юридик шахслар ва яққа тартибдаги тadbиркорларнинг банкдаги ҳисобварақлари бўйича операцияларни тўхтатиб туриш солиқ органи томонидан мажбурий таъминлашнинг (солиқ агентларининг) солиқ мажбуриятлари бажарилишини таъминлаш учун қуйидаги ҳолларда қўлланилиши мумкин:

1) ушбу солиқ тўловчи (солиқ агент) томонидан солиқ органига молявий ва (ёки) солиқ ҳисоботи бундай ҳисоботни тақдим этишнинг белгиланган муддати тугаганидан кейин ўн кун ичида тақдим этилмаганда;

Ўзбекистон Республикасининг “Давлат божи тўғрисида”ги қонуннинг 9-моддаси биринчи қисмининг 19-бандига кўра, аризачи ва жавобгар — ҳуқуқий таъсир чораларини қўллаш тўғрисидаги ишлар бўйича иқтисодий судларда давлат божи тўлашдан озод қилинган.

ДДДДДДнинг 2022 йил 09 март кунги қарори билан, жавобгар «ББББББББ» фермер хўжалигининг ҳисобварақлари 10(ўн) кун муддатга тўхтатиб турилган.

Аризачи томонидан судга 2022 йил 06 май кунги 23-01665-сонли маълумотномаси тақдим этилган бўлиб, унда «ББББББББ» фермер хўжалигининг 2021 йил 4-чорак учун айланмадан олинадиган солиқ бўйича солиқ ҳисоботлари бугунги кунга келиб кечиктириб топширганлигини билдирилган.

Бундай ҳолатда, суд иш ҳужжатларини текшириб чиқиб, даъвогар вакилининг кўрсатмасини тинглаб, даъво аризасини қаноатлантиришни рад этишни, Ўзбекистон Республикасининг “Давлат божи тўғрисидаги” қонуннинг 9-моддасига асосан, жавобгардан давлат божини ундирмасликни ундирмасликни ва олдиндан тулаб чиқилган 21 600 сўм почта харажатларини ундиришни лозим деб топди.

Юқоридагиларга кўра, Ўзбекистон Республикаси Солиқ кодексининг 111-моддаси ва Иқтисодий процессуал кодексининг 118, 176-179,186-моддаларига асосланиб, суд

#### **Қ А Р О Р К И Л Д И:**

Аризачи ДДДДДДнинг, жавобгар «ББББББББ» фермер хўжалигига нисбатан берган даъво аризасини қаноатлантириш рад этилсин.

Жавобгар «ББББББББ» фермер хўжалиги ҳисобидан аризачи ДДДДДД фойдасига олдиндан тулаб чиқилган 21 600 сўм почта харажати ундирилсин.

Ҳал қилув қароридан норози томонлар ўн кун муддат ичида Иштихон туманлараро иқтисодий суди орқали Самарқанд вилоят судига апелляция тартибида шикоят беришга ҳақли.

**Судья**

**Н.М.Умаров**